

## সিরাত

আরবী শব্দ। এর অর্থ পথ বা রাস্তা, সিরাত বলতে জাহান্নামের উপর স্থাপিত সেতুকে বুঝানো হয়েছে। যা আমরা পুলসিরাত বলে জানি। সকল মানুষই পুলসিরাত অতিক্রম করবে। পুলসিরাত হবে অতি ধারালো, সূক্ষ্ম এবং ভয়ানক অন্ধকার পথ। যারা আল্লাহ্ এবং তার রাসূল সাঃ-এর নির্দেশে জীবন পরিচালনা করবে তাঁরা মুহূর্তের মধ্যে সে সেতু অতিক্রম করে জান্নাতে চলে যাবে। আর যারা আল্লাহ্ ও তার রাসূল-এর নির্দেশ অনুযায়ী জীবন পরিচালনা করবে না, তাঁরা সেতু অতিক্রম করতে গিয়ে জাহান্নামে নিষ্কিপ্ত হবে।

### হাউয:

আউয আরবী শব্দ। হাউয অর্থ পানি রাখার বড় পাত্র।

আমাদের নাবী মুহাম্মাদ সাঃ-কে ক্রিয়ামাতের মাঠে তার উম্মতকে পানি পান করার জন্য আল্লাহ্ তা'আলা হাউজ দান করবেন। হাউযের পানি হবে দুধের চেয়ে সাদা, মিশকের চেয়ে অধিক সুগন্ধযুক্ত ও মধুর চেয়ে অধিক মিষ্টি।

নাবী মুহাম্মাদ সাঃ বলেনঃ আমার হাউযের প্রশস্ততা এক মাসের পথের সমান। তার পানি দুধের চেয়ে সাদা, তার ঘ্রান মিশকের চেয়ে বেশী সুগন্ধিযুক্ত এবং পান পাত্রগুলো হবে আকাশের তারকার মতো, যে পান করবে সে আর কখনো পিপাসার্ত হবে না। (সহীহুল বুখারী)

এ হাউজ শুধুমাত্র আমাদের নাবী মুহাম্মাদ সাঃ-এর জন্য নির্দিষ্ট। অন্য কোন নাবীর জন্য নয়। আর তিনি সবার আগে হাউযের নিকট উপস্থিত হবেন।

রাসূলুল্লাহ সাঃ বলেনঃ

أَنَا فَرَطُكُمْ عَلَى الْحَوْضِ، وَلَيُرْفَعَنَّ مَعِيَ رَجُلًا مِنْكُمْ ثُمَّ لِيُخْتَلَجَنَّ دُونِي فَأَقُولُ: يَا رَبِّ أَصْحَابِي فَيَقَالُ: إِنَّكَ لَا تَذَرُ مَا أَحْدَثُوا بِعَذَابِكَ .

আমি তোমাদের আগে হাউযের কাছে গিয়ে হাজির হব। আর সে সময় তোমাদের কতকগুলো লোককে অবশ্যই আমার সামনে উঠানো হবে। অতঃপর আমার সামনে থেকে তাঁদেরকে আলাদা করে নেয়া হবে। তখন আমি বলবঃ হে আমার প্রতিপালক! এরা তো আমার উম্মাত! তখন বলা হবে, তোমার পরে এরা ইসলামের নামে কি নতুন কাজ (বিদ'আত ও মনগড়া ইবাদাত) করেছে তা তুমি জানো না। তখন আমি বলব, যারা আমার দিনে বিদ'আত চালু করেছে তাঁরা দূর হও দূর হও।" (সহীহুল বুখারী-৬৫৭৬)

অতএব, উক্ত হাদীস দ্বারা প্রমানিত হয় যে, ইসলামের নামে যারা বিদ'আত চালু করে তাঁদেরকে ক্রিয়ামতের দিন হাউযের পানি পান থেকে বঞ্চিত করা হবে।

সুতরাং সর্বদাই বিদ'আত ও মনগড়া ইবাদাত করা হতে বিরত থাকব।